



Hadis Seleme b. Sahra o ziharu

Seleme b. Sahr, radijallahu anhu, kaže: "Meni je data snaga u pogledu općenja sa ženama kakva nije data nikome drugom. Pošto nastupi ramazan, da sa njom noću ne bih stupio u spolni odnos iz bojazni da ga ne bih mogao prekinuti ni kad nastupi dan, rekoh svojoj ženi: 'Dok traje ramazan, ti mi nisi dopuštena isto kao što mi nije dopuštena ni moja majka.' Međutim, jedne večeri, dok me posluživala, otkri mi se jedan dio njenog tijela i ja navalih na nju. Pošto je svanulo, otiđoh nekim ljudima iz moga plemena, obavijestih ih o onome što mi se dogodilo i rekoh: 'Podjite sa mnom Allahovom Poslaniku, sallallahu alejhi ve sellem, da ga obavijestim o mom slučaju', ali oni kazaše: 'Ne, tako nam Allaha.' Ja otiđoh Vjerovjesniku, sallallahu alejhi ve sellem, sam i obavijestih ga o mom slučaju, a on me upita: 'Pa zar si to, uistinu, učinio, o Seleme?' 'Jesam, učinio sam to. Jesam, učinio sam to.', odgovorih. 'Evo, primijeni nada mnom Allahovu odredbu, strpljivo ču to podnijeti', odgovorih. On reče: 'Oslobodi rekabu (roba)!' Ja udarih rukom po svom vratu i rekoh: 'Tako mi Onoga Koji te je sa istinom poslao, ja ne posjedujem ništa drugo osim ove rekabe (vrata).' On reče: 'Onda posti dva mjeseca!' Rekoh: 'Allahov Poslaniče, ono što mi se desilo, desilo mi se posteći.' On reče: 'Onda nahrani tovarom (vesekom) datula šezdeset siromaha!' Rekoh: 'Tako mi Onoga Koji te je sa Istinom poslao, već dvije noći smo prespavali gladni, jer nemamo večere.' On reče: 'Onda otiđi do sakupljača zekata u plemenu Zurejk i reci mu neka ti da od zekata, pa od toga jednim vesekom nahrani šezdeset siromaha, a ostatak zadrži za sebe i svoju porodicu.' Vratio sam se svom narodu i rekao: 'Kod vas sam naišao na uskogrudnost i loše mišljenje, a kod Allahovog Poslanika, sallallahu alejhi ve sellem, sam naišao na širokogrudnost i lijepo mišljenje. Naredio je da mi date od vašeg zekata.'"

[Hadis je hasen (dobar)] [Hadis bilježi Ibn Madže - Hadis bilježi Tirmizi - Hadis bilježi Ebu Davud - Hadis bilježi imam Ahmed - Hadis bilježi Darimi]

Ashab Seleme b. Sahr, radijallahu anhu, želio je sebi zabraniti spolni odnos sa suprugom u mjesecu ramazanu, jer je imao veliku potrebu za spolnim odnosom, pa je učinio zihar, bojeći se da imajući spolni odnos tokom noći ne nastupi zora dok to čini. Međutim, jedne noći video je nešto kod svoje supruge što ga je navelo da ima odnos sa njom, te se nakon tog djela pobojao posljedica tog grijeha (kršenja zavjeta), te je predložio ljudima iz svog plemena da idu sa njim do Allahovog Poslanika, sallallahu alejhi ve sellem, i da ga pitaju o propisu vezanom za to pitanje i da za njega nađu neki izgovor. Oni su odbili da idu sa njim, pa je on sam otišao i pitanje postavio Poslaniku, sallallahu alejhi ve sellem, koji ga je upitao da li je to uradio, na šta je on odgovorio potvrđno. Tada mu je Allahov Poslanik, sallallahu alejhi ve sellem, objasnio propis koji je Allah objavio u vezi s tim. Naredio mu je da oslobodi roba; ako to ne može, da posti uzastopno dva mjeseca, a ako ni to ne može, da nahrani šezdeset siromaha. Ashab mu je kazao da je u lošem materijalnom stanju i da nema ni roba ni hrane,

pa je Poslanik, sallallahu alejhi ve sellem, naredio da mu se udijeli sadaka u datulama koju je prikupio njegov narod, te da se time iskupi za zihar, a da ostatak podijeli porodici.

<https://www.sunnah.global/hadeeth/bs/show/58155>

النّجاة الخيرية
ALNAJAT CHARITY

